



Sensibilité politique
Boîte postale 83
L-7201 Bereldange

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 21. Juni 2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Minister fir Mobilitéit weiderzeleeden.

D'Bedreiwergesellschaft vum Findel, d'Société de l'Aéroport de Luxembourg S.A., gehéiert zu 100% dem Staat an hire Verwaltungsrot ass integral aus Verrieder vum Staat oder Staatspersonal zesummegeesat. Dës Gesellschaft exploitéiert um Findel am ganze 7 öffentlech Parkingen. Véier vun dëse Parkingen (d'Parkingen C,E,F,G) si virun allem fir Kuerzzäitparker; op hinnen ass d'Parke fir 15 Minutte gratis, éiert tëscht 1,50 € an 2,50 € pro zousätzlech 15 Minutte fälleg ginn.

Fir Passagéier um Findel ofzesetzen, ginn dës 15 Minutten am Prinzip duer an dierfte seele bis ni depasséiert ginn. Anescht ass dat, wann een e Passagéier um Findel ofhuele well. Dann ass et immens schwierig déi 15 Minutten net ze depasséieren – souguer wann een op d'Minutt près mat der Arrivée vum Fliger um Gate geplangt huet.

An deem Zesammenhang wéilt ech dem Minister dës Froe stellen:

- Wéi vill Zäit vergeet an der Moyenne tëscht der Arrivée vum engem Fliger um Gate (Auerzäit, déi op den Ecranen affichéiert gëtt) an dem éischte Gepäckstéck, wat um Gepäckband ukënnt?
- Wéi laang dauert et an der selwechter Hypothese an der Moyenne bis dat läscht Gepäckstéck de Passagéier zur Verfügung steet?
- Wéi heefeg kënn et an absoluten an a relativen Zuelen zu Virkommissen, bei deenen de Fliger zwar pünktlech lant, mee kee Bus zur Verfügung steet oder keen Operateur fir d'Airbridge disponibel ass, esou dass den Deboarding sech doduerch verzögert? Wéi vill Passagéier waren déi läscht 12 Méint vu sou Virkommissen betraff?
- Ginn et Entschiedegunge fir Leit, déi e Passagéier siche kommen, wann se méi laang wéi 15 Minutte parke mussen, well e Fliger Retard hat oder et duerch verzögert Betriebsofleef um Fluchhafen méi laang dauert, bis d'Passagéier duerch d'Douane sinn?
- Denkt de Minister, datt et am Interêt vun de Konsumente wier an datt et d'Attraktivitéit vum Findel steigere géif, wann de Fluchhafen eng besonnesch Formel géif aféieren, fir Persounen déi e Passagéier siche kommen, am Fall vun engem Retard ze entschiedegen?
- Wéi steet de Minister zu enger eventueller Gratuitéit vum Parking fir Stationementer ënnert enger Stonn, fir Autoen an deenen eng Persoun setzt, déi eng Boardingkaart mat Arrivée zu Lëtzebuerg presentéiere kann?
- Mat enger Äntwert a Form vun engem Linnendiagramm, deen d'Unzuel vun den Autoen a Funktioun zu der Zäit duerstelt: Wéi vill Autoen hunn an de leschten 365 Deeg pro Dag tescht enger an 59 Minutte laang op de Parkingen C, E, F, a G vum Findel geparkt?
- Mat enger Äntwert a Form vun engem Linnendiagramm, deen d'Unzuel vun de Passagéier a Funktioun zu der Zäit duerstelt: Wéi vill Passagéier sinn an de leschte 365 Deeg pro Dag gelant?

Mat déiwem Respekt,

CLEMENT Sven



www.piraten.lu